

Լ. Բարայան

ՀԱՅԱՍՏԱՆԻ ՌԻՇ ՄԻՋՆԱԴԱՐԻ ՍՈՑԻԱԼ-ՏՆՏԵՍԱԿԱՆ ԿՅԱՆՔԻ
ՊԱՏՄՈՒԹՅԱՆ ՄԻ ՔԱՆԻ ՀԱՐՑԵՐԻ ՄԱՍԻՆ

Միջնադարյան Հայաստանի տնտեսական կյանքի պատմությունը՝ մեր պատմագրության մեջ քիչ ուսումնասիրված հարցերից է։

Այդ ժամանակաշրջանի հեղինակներին առաջին հերթին հետաքրքրել է կատարվող դեպքերի արտաքին երևույթները և ոչ այդ դեպքերին ծնունդ տվող ներքին պատճառները։

Այդ հեղինակները, որոնք գերազանցապես հոգևորականներ և իշխող վերնախավի ներկայացուցիչներ էին, իրենց աշխատություններում՝ ժամանակաշրջանը վերարտադրող ու արտացոլող հարցերը կապել են եկեղեցու և իշխող դասակարգի պատմության, օտար նվաճողների վարած քաղաքականության հետ։

Եթե հայկական աղբյուրներն ընդհանրապես սակավախոս են սոցիալ-տնտեսական կյանքին վերաբերող հարցերում, միակողմանի, ապա այդ հանգամանքը շատ ավելի ցայտուն կերպով նկատելի է օտար աղբյուրներում, որոնց հեղինակները, ելնելով իրենց քաղաքական նկատառումներից ու շահերից, նվաճված երկրների իշխող դասակարգի ներկայացուցիչներին՝ ֆեոդալ-կալվաժատերերին պիտեղ են որպես մոնղոլական պետության ներկայացուցիչներ և չեն խոսել նրանց ներքին կյանքի, նրանց ֆեոդալական իրավունքների, հայրենի հողատիրության և այլ հարցերի մասին։

Մեր կարծիքով՝ մոնղոլական տիրապետության ժամանակաշրջանի Հայաստանի և հայ ժողովրդի, ինչպես և բոլոր նվաճված ժողովուրդների կյանքը ճիշտ պատկերելու, այդ տիրապետության իրական պատկերը տալու համար անհրաժեշտ է բազմակողմանի ու խոր ուսումնասիրության ենթարկել աղբյուրներում պահպանված ամեն մի մանրամասնություն, ամեն մի գիտողություն, որոնց գիտական վերլուծությունը կօգնի տվյալ էպոխայի սոցիալ-տնտեսական հարաբերությունների պարզաբանմանը։

Առաջնորդվելով այդ սկզբունքով, մենք ներկա հոդվածում փորձել ենք վերլուծման ենթարկել Մաղաքիա Արեղայի «Պատմություն վասն ազգին նետողաց» աշխատության մեջ հիշատակված երկու բառ-տերմին, որոնց ճիշտ մեկնաբանումը կարող է օգնել մոնղոլական պետության հարկային քաղաքականության և արտոնյալ հողատիրության ինստիտուտի առանձին հարցերի լուսաբանմանը։ Այդ բառերն են «տղոռ» և «սղամիշ»։ Սրանցից առաջինը՝ «տղոռ», մեր կարծիքով համապատասխանում է մոնղոլական կենտրոնական իշխանության կողմից նվաճված երկրները ուղարկված էլ-չինների ծախսերի համար՝ գանձված հարկին։

Նախ համոռոտակի ծանոթանանք, թե այդ ինչ հարկ էր։

Մոնղոլական կենտրոնական իշխանության կողմից նվաճված երկրները զանազան հանձնարարություններով ուղարկված պաշտոնյաները, սուրհան-

դակները, Ծանաղան պաշտոնատար անձինք ընդհանուր անունով կոչվում էին էլշիներ, Այդ էլշիներին տրվում էր հատուկ փայլզաներ (արտոնագիր), որով նրանք իրավունք էին ստանում իրենց ամբողջ ճանապարհորդության ընթացքում նվաճված երկրների բնակչությունից պահանջել իրենց շքախումբը ապահովել ուտելիքով, գիշերելու բոլոր հարմարություններով, փոխադրական միջոցներով և ընդհանրապես այն ամենով, ինչ որ էլշիները կառաջագրեին:

Ժամանակակիցներից մեկը այս մասին հետևյալն է գրում.

«Մոլորություն էր դարձել մեծաքանակ սուրհանդակներ ուղարկել արքունիքից և դեպի արքունիք, դրանք գյուղերից հափշտակում էին այն ամենը, ինչ որ իրենց տերերը հավանել էին»¹:

Ռույ Գոնցալես Կլավիխոն, որ Հայաստանով անցել է 1403—1406 թվերին, գրում է.

«Երբ մենք գալիս էինք որևէ գյուղ, գյուղապետը գալիս էր և կանգնում մեր առջևը, և դրա վրա, Թիմուրի պատվիրակը, որ ինչպես ասացինք, մեզ հետ էր, հրամայում էր նրան մեր պետքին համար կերակուր բերել, ավելին ևս, գյուղապետը պարտավոր էր հեծնելու համար ձի և մեզ սպասարկելու համար ծառայողներ հայթայթել: Եվ եթե այդ հրամանները արագորեն չգործադրեր հաճեցնելու համար այդ թաթար պատվիրակին, այն ժամանակ գավազանի և մտրակի հարվածներ էր տալիս, մի բան, որ հարմացնում էր մեզ: Այսպես մեր անցած բոլոր գյուղերի մարդիկ, և հիմարավի նրանք այդ Չաղաթայր՝ տեսնելուն պես ամենքը փորձում էին թաքնվել նրանցից»²:

Նա շարունակում է.

«... Մյուս օրը... մենք հասանք Արզիսջան (Երզնկա) քաղաքը ... Այդ երեկո քաղաքի կառավարիչը մեր ուտեստի համար ուղարկեց եփած կերակուրի շատ պնակներ, առատ պտուղ, գինի և հաց... Երկուշաբթի առավոտը կառավարչի հրամանով կանխիկ դրամով յմի որոշ գումար տվին մեզ, և մեզ ասացին, թե մենք ամեն օր պիտի ընդունենք նույնքան մի գումար, որքան ժամանակ մենք մնանք քաղաքում, մեր ծախսերի համար»³:

Կլավիխոյի վկայությունները վերաբերում են լենկ Թեմուրի շրջանին, սակայն որքան մենք գիտենք, Թեմուրը շարունակեց մոնղոլների վարչատնտեսական քաղաքականությունը, հետևապես մեզ իրավունք ենք վերապահում նրա շրջանին վերաբերող բոլոր տվյալները օգտագործել, հիմնավորելու համար մեր կողմից առաջադրված մոնղոլական շրջանին վերաբերող որևէ խնդիր:

Կիրակոս Գանձակեցին գրում է.

«... Եւ ապա սկսան հարկապահանջութեամբ և երթեկուրեամբ եւ գինւորութեամբ նեղել զնոսա... Եւ իրրեւ անցին ամբ ինչ, նեղացաւ ի նոցանէ իշխանն Աւագ, զի կարի ժլատք էին, և ոչ կարէր զամենեւին ընդ միտս

¹ П. Сафак, История Персии, т. II, стр. 172. Лондон, 1930 (перевод с английского).

² Կլավիխոն շաղաթայ ասելով հասկանում էր մոնղոլ կամ թաթար, որ պատկանում էր լենկ Թեմուրի բնաձգության կամ կառավարական պաշտոնյա էր:

³ Ուղեգրություններ, հ. 1-ին, էջ 83—86:

⁴ Նույն տեղում, էջ 86:

նոցա հաճել, զի ոչ միայն բաւականային ուտելով և ըմպելով, այլ եւ պահանջէին երկվարս եւ հանդերձս մեծագինս... և զայս ոչ միայն մեծամեծքն առնէին, այլ եւ փոքունք...»¹

Վերոհիշյալ վկայութիւնները և պատմագրութեան մեջ պահանջված բազմաթիւ այլ փաստեր խոսում են այն մասին, որ նվաճողների երթևեկող պաշտոնեւորյալն նկատմամբ նվաճված ժողովուրդների պարտավորութիւնները կազմում էին հարկման առանձին ինստիտուտ—իրավաբանութեն և օրենքի ուժով օրինականացված: Հարկման այս ինստիտուտի հետևանքներն այնքան ծանր էր անդրադառնում բնակչության վրա, որ հետով ամայանում են ինչպես բոլոր նվաճված երկրները, այնպես և Հայաստանը, հատկապես այդ երկրների մերձհասարչային բնակավայրերը, որտեղի բնակչութիւնը փախչում էր ճանապարհային ծանր պարտավորութիւններից, երթևեկող պաշտոնեւորյալն մատակարարումից և սպասարկումից: Եղել են բազմաթիւ դեպքեր, երբ հայ գյուղացիները, լսելով մոնղոլ պաշտոնյայի՝ էլչու գալու մասին, դատարկել են իրենց ամբողջ գյուղը և հեռացել: Նրանք հաճախ ճանապարհների վրա պահակներ են նշանակել, սրպետզի վերջիններս խմացնեն էլչիների գալու մասին:

Մոնղոլական պաշտոնեւորյալն քմահաճ և սանձարձակ դործուհեութիւնը, որը շատ դեպքերում կամայական կողոպուտի և ավարի բնույթի էր կրում, շուտով սկսեց մտանդալոր հետանկարներ ցույց տալ հենց մոնղոլական խաներին:

Տեղաճելով երկիրը,—ասում է Մարքսը,—նվաճողների համար մերձավորագույն խնդիրը հանդիսացել է նաև մարդկանց յուրացումը»² Մոնղոլական կենտրոնական իշխանութիւնն էլ հանձին իր հեռատես խաների, տեսնում և զգում էր չարարաստիկ ճերթևեկութիւններին՝ դառն ու ավերիչ հետևանքները—նվաճված երկրների ամայացումը, աշխատավոր ժողովրդի աեղաշարժը և մասսայական փախուստը, որոնք, իհարկե, շահախնդիւր նվաճողներին զրկում էին հենց յուրացում և մարդիկ սամենամերձավոր ու կենսական նպատակների իրագործումից: Ահա, ելնելով միայն իրենց իսկ շահերից, մոնղոլական խաները ստիպված են լինում ձեռնարկելու այնպիսի միջոցառումներ, որոնց նպատակն էր սանձահարել ճերթևեկող աւոյ պաշտոնեւորյալն քմահաճութեւրը, նրանց ազատութիւնը:

Մաղաքիա Արեղան գրում է.

Տիսկ Զորմանն բարի (մոնղոլական գորավարներից մեկը—Լ. Բ.) խորհրդով ասէր ի հրամանէ և նախախնամութենէ աստուծոյ բաւական լինել զաւերումն աշխարհին ասելով՝ թէ շէն ֆուան, ասէ զերկիր վաստակին, և զկէսն մեզ տան զապրանացն, զայգոյ և զարտոյ, և կիսոքն իւրեանք ապրին...»³

Մանգու-խանի ձեռնարկած միջոցառումների մասին Խաշիդ-Աղ-դինը հետևյալն է գրում.

«Մանգու-խանը հրամայեց նաև, որպետզի էլչիները առանց գործի ոչ մի քաղաք և գյուղ չմտնեն և բնակչութիւնից չվերցնեն խար (անաս-

¹ Կ ի ր ա կ ո ս Գ ա ն ձ ա կ ե ց ի, «Պատմութիւն Տայոց», Թիֆլիս, 1910, էջ 250:

² К. Маркс, Капитал, т. III, гл. 47, стр. 696.

³ Մ ա զ ա ք ի ա Ա ր ե ղ ա ն, «Պատմութիւն վասն ազգին նետողաց», Ս. Պետերբուրգ, 1870, էջ 9:

նակեր), միևրապաշար, իրենց հասանելիքից ավելի. քանի որ բոնոսթյունն ու ճնշումները չափն անցրել էին, ընդ որում հողագործները արտակարգ բազմաթիվ ու բազմատեսակ ճնշումներից, բոնագանձումներից ու ծանրոթյուններից զրված էին այնպիսի ծանր անտանելի վիճակի մեջ, որ նրանցից ստացվածը չէր կազմում որպես պարհակ բոնագանձվածի կեսն անգամք։

Հուլիս-խանի այս ասպարեզում ձեռնարկած միջոցառումների մասին Մադաքիա Աբեղան հետևյալն է գրում.

«... Յամէն շէն գեղէ մեկանաւոր հանէին, և յ Վոքրէն՝ մեկ, յ մեծէն՝ երկու կմ գ. և անուանեաց զնս իամս, և առաքէր զնս ամէն աւեր տեղիսն առնել շինութիւի, և ամենևին հարկ ոչ տալ, բայց միայն հաց և թան ճանապարհորդ տաթարին»¹

Հետագայում, չազան-խանի 1303 թվին այս ասպարեզում ձեռնարկած միջոցառումները խոսում են այն մասին, որ նախորդ խաների կողմից այդ ուղղությամբ կատարված բարենորոգումներն ու միջոցառումները կրել են լուի ժամանակավոր բնույթ, որ անգամ կենտրոնական իշխանությունը ի վիճակի չէր վերջ տալ կամ թերևս սահմանափակել պաշտոնեությունից քմահաճ կողոպուտն ու թալանը, որն այնքան խորն արմատավորված սխտեմ էր դարձել այդ շրջանում։ Նրա հետևանքները կործանաբար ազդեցություն էին ունենում հենց մոնղոլական պետության գոյությունից համար, սպառնում նրա տնտեսական հզորությանն ու հետագա կայունությունը։

Վերը բերված փաստերը ցույց են տալիս, որ նվաճված ժողովուրդներին, մասնավորապես աշխատավոր ժողովրդի համար մոնղոլական պետությունը տրվող բազմաթիվ ու բազմատեսակ հարկերի ու պարտավորությունների շարքում, եթե ոչ ամենածանրը, թերևս ամենածանր պարտիքներից մեկը եղել է մոնղոլական պաշտոնեության՝ էլշիների մատակարարման ու սպասարկման պարտիքը։

Անհրաժեշտ է այժմ պարզել, թե մոնղոլական տիրապետության ժամանակաշրջանից հայկական աղբյուրներում պահպանված հարկային տերմիններին որին պետք է վերագրել այն պարտավորությունը—պարտիքը, որը տալիս էր հայ ժողովուրդը մոնղոլական երթևեկող պաշտոնեությանը՝ էլշիններին, այլ խոսքով՝ հարկային որ տերմինն է արտահայտում հարկման—պարտիքի այդ հասկացողությունը.

Մոնղոլական շրջանից հայ պատմագրության մեջ պահպանվել են մեկ տասնյակից ավելի բառեր, որոնք ժամանակակիցների կողմից գործ են ածվել հարկային մի շարք տերմինների շարքում, առանց նրանց կոնկրետ իմաստավորումը տալու.

Այդպիսի բառերից է Մադաքիա Աբեղայի «Պատմութիւն վասն ազգին նետողաց» աշխատության մեջ հարկային մի շարք տերմինների հետ չիշատակված (երկու տեղ) «տղղու» բառը։

1. «Զի աստուծոյ կամք է առնուլ զերկիր և պահել ի շինութեան և գնել աստի, կալ ընդ հրամանաւ մեր և տալ մեզ տղղ ու, և մալ, և թաչար, և զփշուր»²

¹ Մ ա դ ա ք ի ա Ա բ ե դ ա, «Պատմութիւն վասն ազգին նետողաց», Պետերբուրգ, 1870, էջ 32—33։

² Նույն տեղում, էջ 10։

2. Եւ նա (Գերերին վանքի վանահայր Ստեփաննոսը—Լ. Բ.) յորժամ ետես զգլխաւոր Տաթարին՝ որ գնայր առ նա ի վանքն, էառ գինի ամանով ինչ եւ գնաց ընդդէմ Տաթարին և բռնեաց տղղու, որպէս սովորութիւն է Տաթարին, եւ ապա յետ այնորիկ տարեալ ի վանքն, և նստուցեալ հանդերձ այլ հեցելօքն, որ կային զկնի գլխաւորին և գենեաց ոչխար, և երաց այլ գինի, եւ յագեցոյց ուտելով եւ ըմպելով զամէնն...»¹

Հայկական ՍՍԻ Գիտութիւններու ակադեմիայի իսկական անդամ Հ. Աճառյանը իր Արմատական բառարանում (հատոր 7-րդ, էջ 929) հետեւյալ բացատրութիւնն է տալիս «տղղու» բառի մասին. «տղղու» մի տեսակ թաթարական հարկ, թաթարական *turgu* կամ *turqu* ուտելիք և խմելիք, պաշարեղենք։ Ք. Պատկանովը իր Մաղաքիա Արեղայի աշխատութեան ողութենէն թարգմանութեան ծանոթութեան մեջ, հիմնվելով Կատրմերի «Histoire des Mongols» աշխատութեան մեջ տրված այդ բառի բացատրութեան վրա, որտեղ հեղինակը «տղղուն» համարում է աղճատումն «ղղղու» բառի, կամ նմանեցնում, ձուլում «տրղու» բառի, գրում է՝ «այն գեպքում, երբ մեծ մասամբ պատահում է «տրղու» = *түрү* — տուրղու ձևով, այդ բառը նշանակում է պարեն, ուտեստեղեն, մեր հեղինակի (Մաղաքիայի—Լ. Բ.) մոտ էլ այն գործ է ածված նույնպես հայտնի հարկի նշանակութեամբ»²

Հայկական ՍՍԻ Մատենադարանում Մաղաքիա Արեղայի պատմութեան երկու ձեռագիր է պահպանված, որոնցից № 3076, էջ 225ա գրված է «տղղու» և № 1485, էջ 32բ «տղղոյ»։

Հավանական պետք է համարել այն կարծիքը, որ «տղղուն» աղճատումն է մոնղոլական «արղու» կամ տուրղու—տարղու—բառի, նշանակում է պարեն, ուտեստեղեն կամ ուտելիք, խմելիք և պարունակում է հարկային իմաստ։

Ելնելով վերը շարադրվածից, կարծում ենք, որ Մաղաքիա Արեղայի մոտ հիշատակված «տղղու» բառը ճիշտ ձևով «տրղու» կամ «տարղու» պետք է դասել մոնղոլական ժամանակաշրջանի հայկական աղբյուրներում պահպանված հարկային տերմինների շարքը և ենթադրել, որ հարկային այդ տերմինը արտահայտել է հարկման—պարտիքի այն իմաստը, որը մեզ հետաքրքրում է, այլ խոսքով՝ նվաճված ժողովուրդների մոնղոլական պաշտոնեութեանը—էլիտների մատակարարման և սպասարկման պարտավորութիւնը, որն իրականում կազմակերպված կողոպուտի ու թալանի ընդլայնվելու ստացել։

* * *

Մոնղոլների մոտ, նրանց տիրապետութեան տակ գտնվող երկրներում հողատիրութեան արտոնյալ տարածված ձևերից մեկը՝ դա սոուրգյալ ինստիտուտն էր։ «Սոուրգյալ» տերմինը մոնղոլական ծագումն ունի և նշանակում է բարյացակամութիւն, պարգևում, շնորհում, ցմահ օգտագործում և այլն։

¹ Մաղաքիա Արեղայի «Պատմութիւն վասն ազգին նետոյաց», Ս. Պետերբուրգ, 1870, էջ 24։

² Ք. Պատկանովը հավանական է համարում նաև Abul phar-ի այն կարծիքը, որ «տղղուն» կարող է համապատասխան լինել մոնղոլական *targu* բառին։

Մատենադրության մեջ պահպանված փաստերն ասում են, որ այդ արտոնությունը տրվել է Ձինգիզ-խանի և նրա հաջորդների կողմից: Հայ մատենադրության մեջ, ինչպես ենթադրում են, այդ տերմինը պահպանված է միայն Մաղաքիայի մոտ, այն էլ երկու տեղ միայն՝ «սղամիչ» ձևով:¹

Հոդատիրության արտոնյալ այս ինստիտուտը հետազայում, հետմոնղոլական շրջանում, արևելյան գրեթե բոլոր երկրներում դարձավ ֆեոդալական ավատային տիրապետության հիմնական ձև:

Սոուրգյալ արտոնյալ հոդատիրությունը տրվում էր ազնվականության ներկայացուցիչներին ավատային տիրության հիմունքներով: Սոուրգյալ հոդատիրոջն իրավունք էր վերապահվում շահագործելու իրեն տրված հողի վրա բնակվող մարդկանց: Հարկ եղած դեպքում արտոնյալ այդ հոդատերը պարտավոր էր իր զինախմբով ներկայանալ իր տիրոջը, որից ստացել էր այդ պարգևը: Ֆեոդալական կախման այդ ձևը առերևույթ նման է իկտային արտոնյալ ձևին: Սակայն արտոնյալ այդ երկու ինստիտուտների որոշ նմանությունը, կարծում ենք, ուշ շրջանում ձևական է դառնում, հիմնականում նրանք ստանում են երկու տարբեր բովանդակություն— առաջին՝ ի տարբերություն իկտայի, սոուրգյալը անհամեմատ ավելի մեծ տերիտորիաների հասկացողություն է ընդգրկում և երկրորդ՝ սոուրգյալ տերմինի տակ հասկացվում է ոչ միայն հոդագործական նստակյաց գավառների տիրապետություն, այլև քոչվորական-տափաստանային: Սոուրգյալ ավատին տիրողն իր ձեռքում կենտրոնացնում է ինչպես նստակյաց, այնպես և քոչվոր բնակչության նկատմամբ ունեցած իշխանությունը: Պետք է ասել, որ այդ կատեգորիայի մարդիկ ծագումով գրեթե բոլորն էլ քոչվոր ազնվականներ էին: Նրանց համար որպես զինվորական ուժ հանդիսանում էր քոչվոր բնակչությունը, որի վրա էլ հենվում էին իրենք: Պրոֆ. Յակուբովսկին «Ոսկե Հորդա» աշխատության մեջ խոսելով այդ մասին, գրում է.

«Գլխաքոչվոր այն ֆեոդալների գրությունը, որոնք մեծ քանակությամբ հողեր ունեին նստակյաց շրջաններում, և անասունների մեծաքանակ հոտեր՝ տափաստաններում, ամենից լավ արտահայտվում է այդ սոուրգյալ սխտեմում (ավատային տիրություն), որը մոնղոլական էպոխայում հանդիսանում էր ֆեոդալական խոշոր հոդատիրության գերիշխող ձևը: Սոուրգյալի բնորոշ գիծն այն է, որ այդ հողը համարվում էր ժառանգական տիրություն (և կարող էր վաճառվել ու գնվել ամբողջությամբ կամ մաս-

¹ Պրոֆ. Հ. Լեճոյանն իր «Հայերեն արմ. բառ-ի 7-րդ հատորում (ԼՂ 291) գրում է. «Սղամիչ—իշխանական պարզևտրություն—խախարական—sluzgaimis «հաճություն»: «պարզև»: Պատկանոջն իր Մաղաքիայի «պատմության» ուսերեն թարգմանության ծանոթագրության մեջ դրա վերաբերյալ հետևյալ բացատրությունն է տալիս: «Բարյացակամություն, պարզևտրում ավատային տեղամասով, պատվավոր հաղուստ «սոուրգյալ» առարկա, որով արտահայտում է բարյացակամություն: Բաժնեկալվածք—ավատային տեղամաս, հոդարածին, թաղավորի կողմից նվեր տված, որն անցնում էր ժառանգարու: Վերջին իմաստով այդ բառը գործ էածված և մեր հեղինակի մոտ», ԼՂ 80—81: Սղամիչ բառը ստուգել ենք Հայկական ՍՍՌ Մատենադարանում պահպանված Մաղաքիայի պատմության երկու ձեռագրերում, ձեռագիր № 3076, էջ 228ր և ձեռագիր № 1483, էջ «ԲՂի» նույնն է. այսինքն բոլոր տեղերում էլ սղամեի ձևով:

մաս)։ Մոնղոլները ժամանակ խանական իշխանություն չունեցող տարածքներում էին գյուղացիներով բնակեցված հսկայական տարածություններ, ընդ որում մի շարք դեպքերում ընծայման յառլիկներն ուղեկցվում էին թաթարացիներ յառլիկներով, այսինքն հրովարտակներով, որոնք ազատում էին տվյալ ստուրգյալի բնակչությունը պետության օգտին տրվող բոլոր կամ մեծ մասամբ պարհակներին։ այդպիսով անմիջական արտադրողի հավելյալ առօրյունքի մեծ մասը թողնելով ստուրգյալի՝ ֆեոդալ տիրապետողի օգտին։¹ Վերոհիշյալ բացատրությունից հետո պրոֆ. Յակուբովսկին անցնում է կոնկրետ փաստերին և իր եզրակացությունները հիմնավորելու համար այդ փաստերը վերցնում է Հայաստանի իրականություններից։

Ինքնուրույն հայկական թագավոր Հեթումի եղբոր՝ սպարապետ Սըմբատի մասին, և Կույուկ-խանի (որն այստեղ կոչվում է Սայխ-խան), կողմից նրա նկատմամբ ցույց տրված վերաբերմունքի մասին, Մաղաթյան գրում է. «Նա շնորհեց նրան հողով և (ստուրգյալ—Ա. Յա.) ավատային սեփականություն, տվեց մեծ յառլիկ, ոսկե փայլզաներ և հանձնեց նրան հսկավոր թաթարուհուն, որը կրում էր պոխտախ (զլխի զարդ)»։ Այնուհետև շարունակում է.

«Նույն բանը պատմում է Ստեփանոս Օրբելյանը. «գրանից հետո նրան (Սմբատին) տվեցին ոսկե փայլզա, այսինքն, տախտակ՝ աստու և թագավորի անուններով փորագրված։ Այդ նրանց մոտ հարգանքի բարձր նշան էր, նրա համար յառլիկ գրեցին, այսինքն՝ հրամանագիր, այն, որ կոչվում էր սիգել և նվիրեցին նրան այն բոլորը, ինչ որ Ասանը վերցրել էր սրով։ Օրոտն իրեն պատկանող զավառներով բաշտո նոյանի ազնվատոհմ իշխանների բաժնեկալվածքում—և Բորոտն ամրոցն իր շրջակայքով, որպես հատուցումն իր հոր Լիպարիտի արյան, որը սպանվել էր այդ նույն տեղում։ Բացի այդ, Սմբատի անունը հանվեց բոլոր գավթարներին»։²

Նախ՝ պրոֆ. Յակուբովսկին շփոթել է պատմական երկու անձնավորություններին։ Այստեղ Կիլիկիայի Սմբատ սպարապետը՝ Հեթում թագավորի եղբայրը, Կոստանդինի տղան, շփոթված է Սյունիքի Սմբատ Օրբելյանի, Լիպարիտ Օրբելյանի տղայի հետ։ Բերենք հիշյալ մատենագիրների վկայությունները։ Մաղաթյան, նկարագրելով Բաշուի արշավանքները գեպի հարավ-արևմտյան Հայաստան և նրա հաջողությունները, Հեթումի հետոսն քաղաքականությունը, Բաշուի և Հեթումի միջև կնքված դաշինքը, Սմբատ սպարապետի 1243 թվի ուղևորությունը Կույուկ-խանի մոտ, այնտեղ նրա ստացած արտոնությունները, գրում է.

«Եւ արարեալ զնա սղափիշ, եւ տուեալ մեծ իառլախ եւ փայլզայս ոսկիս, եւ Տաթար խաթուն պոխտախաւոր...»։³

Այնուհետև շարունակում է.

¹ Греков, Якубовский, Золотая Орда, Ленинград, 1937, стр. 99.
² Նույն տեղում, էջ 103։
³ Մաղաթի Արեղա, «Պատմություն վառն ազգին նետողաց», Ս. Պետերբուրգ, 1870, էջ 17։

«... Զոր տեսեալ բարէպաշտ թագաւորն շեթում զպարոն եղբայրն իւր՝ զՍմբատ աշնպխի պատուով պատուեալ եւ մեծարեալ ի դանէն, յոյժ ուրախացաւ. յուրախութիւն մեծ, ևս առաւել ընդ գրեալսն վասն ազատութեան երկրիս եւ վանորէիցս եւ ամենայն քրիստոնէից...»¹

Ինչ վերաբերում է Սմբատ սպարապետի ստացած արտոնության քաղաքատնությանը—սեն արարեալ զնա սղամիշ, եւ տուեալ մեծ իառլախ և փայլեզայս ոսկիս...»², ապա կարծում ենք, որ այս հարցում նույնպէս պրոֆ. Յակոբովսկին որոշակի փաստարկութիւններ չունի Սմբատի ստացած արտոնությունը նույնացնելու մոնղոլական սոուրգյալ հոդատիրություն արտոնության հետ:

Պրոֆ. Յակոբովսկին, ինչպէս և պրոֆ. Պետրուշևսկին³ ելնելով Կատրմերի թերեւ ճիշտ բացատրությունից «սղամիշ» բառի մասին, առանց խորը ուսումնասիրելու Մաղաքիա Արեղայի բերած փաստերը, անվերապահորեն «սղամիշ» բառի տակ հասկանում են մոնղոլական «սոուրգյալ» արտոնյալ հոդատիրության ինստիտուտը:

Մեզ թվում է, որ եթե վերոհիշյալ գիտնականները խորը ուսումնասիրելն տվյալ հարցը, թերեւ հանգիստ ալ եզրակացության:

Սմբատ սպարապետը ներկայացել է Կույուկ-խանին 1243 թվին բանակցություններ վարելու նպատակով, այդ շրջանում Գիլիկիան անկախ թագավորություն էր, խոսք չի կարող լինել մոնղոլների կողմից նվաճված լինելու մասին, ինչպէս և հասկանալի է մոնղոլական պետությանը հաւկատու լինելու մասին: Նշված աղբյուրում ոչ մի հիշատակություն կամ ակնարկ չկա Սմբատի ստացած հողի կամ հողային արտոնության մասին, Դեպքերին ժամանակակից շեթում պատմիչը, խոսելով Մանգու-խանի՝ շեթում թագավորին տրված պատասխանի մասին, ասում է, որ Մանգու-խանը գրում է. «նույնպէս կամ իմք զի ամենայն եկեղեցիք քրիստոնէից եկեղեցականք եւ աշխարհականք վախիտսցեն ի շնորհս ազատութեան, եւ ոչ ոք իշխեսցէ նեղել զհայս»⁴:

Այստեղ նույնպէս հողային արտոնություններին կամ թե հարկերից ազատվելու մասին ոչինչ չի հիշատակվում:

Մինչդեռ աղբյուրներում հիշատակված են մի շարք դեպքեր, որտեղ ուղղակի նշվում է նույն այդ խաների կողմից որոշ մարդկանց հարկերից տգատելու կամ հողային արտոնություններ տալու մասին, ինչպէս Սըմբատ Օրբելյանին շնորհված արտոնությունը և այլն:

Սակայն եթե նույնիսկ ընդունենք այն կարծիքը, որ իսկապէս «սղամիշ» նույն սոուրգյալն է, հարց է ծագում, չէ՞ որ սոուրգյալը տրվում էր ցամաք օգտագործման և անձեռնմխելի էր. մի հանգամանք, որը շեթում թագավորը պետք է իմանար: Բնչո՞ւ, ապա նա, տեսնելով Արևելյան Հայաստանում Արդունի կատարած աշխարհագրի ավերիչ հետևանքները, շտապում է անմիջապէս զնալ Մանգու-խանի մոտ:

¹ Մաղաքիա Արեղա, «Պատմութիւն վասն ազգին նետողաց», Ս. Պետերբուրգ, 1870, էջ 17:

² Известия Академии наук СССР, Отделение общественных наук, 1937, № 4, статья Петрушевского «Хамдуллах Казвини, как источник по социально-экономической истории Восточного Закавказья».

³ շեթում պատմիչ, էջ 43:

«Ապա վասն սիրոյ քրիստոնէից եւս առաւել վասն իւր սեփական երկրիս, գնաց բազում գանձիւք առ Մանկու-դանն, եւ հոգաց չթողուլ յերկիրս իւր զայսպիսի բարկութիւնս. եւ յորժամ հասաւ առ դանն կամօքն աստուծոյ մեծաբեղաւ ի դանէն. եւ արարեալ գանն մեծ պատիւ եւ հարկիս թագաւորին հայոց եւ զամենայն բան նորա հոգաց ըստ կամաց նորա. եւ դարձոյց մեծ ուրախութեամբ յաշխարսն իւր»¹

Ուշագրութեան արժանի է նաեւ հետեւյալ հանգամանքը. Սմբատը ներկայացել էր մոնղոլական Գուլուկ-խանին որպէս չորրորդան պետութեան պաշտոնական ներկայացուցիչ, հետեւեալ նա մոնղոլների կողմից չի դիտւում որպէս Կիլիկիայի տերը, այստեղից բացասւած չէ, իհարկեւ, այն հանգամանքը, որ Մաղաթիայի մոտ հիշատակւած Սմբատի ստացած արտոնությունը, որի մասին խոսում է պրոֆ. Յակուբովսկին, վերաբերում էր իր անձնական-ժառանգական կալվածներին: Սակայն այս դեպքում ինչպէս հասկանալ զ...Վասն ազատութեան երկրիս եւ վանորեցիս, եւ ամենայն քրիստոնէից...» միտքը:

Ելնելով վերոշարադրյալից, կարծում ենք, որ Մաղաթիա Արեղայի մոտ հիշատակւած «Սղամիշ» բառը չի կարելի նույնացնել մոնղոլական «Սուրգյալ» արտոնյալ հողատիրութեան հասկացողութեան հետ և ենթադրել, որ Սմբատ սպարապետի ստացած պարգևը այդ իմաստն է պարունակում, ինչպէս կարծում են վերը նշված գիտնականները, դրանց թվում և Ք. Պատկանովը:

«...Արարեալ գնա սղամիշ, եւ տուեալ մեծ իառլախ...» Պետք է ենթադրել, որ այստեղ նշված «Իառլախ»-ում՝ հրովարտելում մոնղոլական պետությունը խոստանում է իր հովանաւորութեան տակ առնել և ռազմական օգնություն ցույց տալ Գիլիկյան պետութեանը (իսկ մոնղոլական պետութեան այդ քայլը, Կիլիկիայի թագաւորութեան նկատմամբ բռնած բարյացակամ դիրքը, անհրաժեշտ էր տվյալ շրջանում, ելնելով իրենց պետութեան ռազմա-քաղաքական շահերից), արտաքին թշնամիների դեմ մղվող պատերազմների ժամանակ:

Համանական ենք համարում այն ենթադրությունը, որ մոնղոլական «սուրգյալ» բառը Մաղաթիայի մոտ հիշատակւած «սղամիշ» բառն է, սակայն մեր կարծիքով, իմաստով նրանք տարբերվում են: «Սղամիշ» գոյգ է անվանւած արտոնութեան իմաստով, սակայն չունի արտոնյալ հողատիրութեան իմաստ, այլ ունի բարյացակամութեան² իմաստ, որին արժանանում էին մոնղոլական պետութեան գաղնակից կամ վասալ երկրները: Բացառված չէ նաեւ, որ այդ բարյացակամութեանը, բացի գրավոր փաստաթղթից, արտահայտված լինէր նաեւ թանկարժեք պարգևներով, տվյալ դեպքում, ինչպէս Ք. Պատկանովն է կարծում, պատմավոր հագուստ տալով:

Ինչ վերաբերում է Ստեփանոս Օրբելյանի մոտ՝ Սմբատ Օրբելյանի մասին եղած հիշատակութեանը, ապա Պայտեղ պետք է ասել, որ պրոֆեսոր Յակուբովսկին կատարյալ շփոթութեան մեջ է ընկել: Նախ Օրբելյանը պարզորեն նշում է այն արտոնութեան անունը, որ Սմբատը ստացել էր և

¹ Մաղաթիա Արեղա, «Պատմութիւն վասն ազգին նետոգաց», Ս. Պետերբուրգ, 1870, էջ 22—23:

² «Сургал» — առարկա, որով արտահայտւում է «բարյացակամութեան» — Ք. Պատկանով, էջ 80:

այն ձեռք բերելու ճանապարհը: Բնական գիտենք, հողատիրությունն արտոնյալ ինքու ձեռ մոնոպոլիների մոտ հատուկ ինստիտուտ էր և այդ արտոնությունը ձեռք էր բերվում հովանավորության միջոցով և վերջապես, ինքուական արտոնյալ շրջանը հարկերից ընդհանրապես չէր ազատվում: Ինքուական արտոնության էությունն այն էր, որ դիվանին տրվող հարկերը այս պեղքում մուծվում էին հովանավորող անձի անձնական գանձարանը, իսկ սուբյեկտ արտոնությունը արքունական հարկերից ազատում էր գրեթե ամբողջությամբ:

Հետևապես Սմբատ Օրբելյանին արված արտոնությունը չէր կարող պատկանել հողատիրության սուբյեկտ արտոնյալ ձևին:

Մեզ թվում է, որ սուբյեկտ արտոնյալ ինստիտուտը մոնոպոլիական շրջանում իկտային հասկացողության ավելի լայն իմաստ ունեւր, իսկ հետո, հետմոնոպոլիական շրջանում նա ստանում է այն իմաստն ու բովանդակությունը, որի մասին սկզբում արդեն խոսել ենք:

Մոնոպոլիական էպոխայում հողատիրության արտոնյալ սուբյեկտ ինստիտուտի գոյությունը Հայաստանում կարոտ է հատուկ ուսումնասիրություն: